

٣- صفات عباد الرحمن - المجلس الثالث - شريف علي

شريف علي

اعوذ بالله من الشيطان الرجيم باسم الله الرحمن الرحيم وعباد الرحمن الذين يمشون على الارض هونا اذا خاطبهم الجاهلون قالوا سلاما والذين يبيتون لربهم سجدا وقياما والذين يقولون ربنا اصرف عننا عذاب جهنم - 00:00:00

ان عذابها كان غراما انها سائط مستقرها ومقاما والذين اذا انفقوا لم يسرفوا ولم يقتروا وكان بين ذلك قواما والذين لا يدعون مع الله الها اخر ولا يقتلون النفس التي حرم - 00:00:44

فالله الا بالحق ولا يزنون ومن يفعل ذلك يلقى اثاما يضاف له العذاب يوم القيمة ويخلد فيه مهانا الا من تاب وامن وعمل عملا صالحا فاولئك يبدل الله سيئاتهم حسنات - 00:01:22

وكان الله غفورا رحيمها ومن تاب وعمل صالحا فانه يتوب الى الله متابا والذين لا يشهدون الزور اذا مروا باللغو مروا كراما والذين اذا ذكروا بآيات ربهم لم يخروا عليها صما - 00:02:05

عميانا والذين يقولون ربنا هب لنا من ازواجنا وذرياتنا قرة اعين واجعلنا للمتقين اماما اوئلک يجزون الغرفة بما صبروا ويلقون فيها تحية وسلاما خالدين فيها قاسونت مستقرا قل ما يعأكم ربی لولا دعائكم - 00:02:42

فقد كذبتم فسوف يكون لزاما باسم الله الرحمن الرحيم الحمد لله رب العالمين والصلة والسلام على نبينا محمد وعلى آله وصحبه ومن اتبع هداه الى يوم الدين قال رسول الله صلى الله عليه وسلم - 00:03:34

ما اجتمع قوم في بيت من بيوت الله يتلون كتاب الله ويتدارسونه بينهم الا نزلت عليهم السكينة وغشيتهم الرحمة وحفته الملائكة وذكراهم الله فيمن عنده وقال النبي صلى الله عليه وسلم - 00:03:54

ومن سلك طريقا يلتمس فيه علما سهل الله له به طريقا الى الجنة كنا توقفنا في المجلس الاخير عند قول الله سبحانه وتعالى والذين لا يشهدون الزور اذا مروا باللغو - 00:04:10

من ركرا نتكلم عن صفات عباد الرحمن وذكرنا من صفات عباد الرحمن اه ان في صفات اه اخلاقية افعال وفي احوال في العبادة والدعاء والقيام والسجود وفي اه احوال لهم في ترك المعصية - 00:04:28

ربنا سبحانه وتعالى قال عباد الرحمن الذين يمشون على الارض هونا يعني التواضع والحلم والسكينة والوقار عدم التكبر اذا خاطبهم الجاهلون قالوا سلاما والذين يبيتون لربهم سجدا وقياما. فربنا سبحانه وتعالى ذكر - 00:04:50

آ اخلاقهم في النهار مع الناس في التعاملات انسان حليم انسان متواضع اه لو واحد مسلا جاهل او سفيه اه تطاول عليه هو لا يرد الاساءة بالاساءة بل يعفو ويحلم - 00:05:10

وذكر سبحانه وتعالى حالهم بالليل تشوف بقى ايه ان واحد مثلا هو في الشغل وهو في الجامعة شوف اخلاقه عاملة ازاي مع الناس متواضع آ حليم لا يغضب آ لا لا يتكلم كلام - 00:05:27

الفاحش ولما يجي الليل تلاقي ده ما شاء الله واقف بيصلی والذين يبيتون لربهم تجدا وقياما فسبحان الله يعني يعني فضل عالي جدا يعني النبي اصلا عليه الصلاة والسلام قال - 00:05:41

ان المؤمن يدرك بحسن خلقه درجة الصائم القائم يعني انسان لو هو اصلا فيه مقتضى في العبادة يعني ما لو شحظ في من القيام مش بيصلی صلاة طويلة. ما لو شحظ من صيام التوافل التطوع - 00:05:59

لو الانسان كده يعني انسان في الحالة دي لو اخلاقه حلوة لو لو اخلاقه حسنة الانسان ده يبلغ درجة الصائم بسبب ايه بسبب

حسن نركز بس في المعنى ده - 00:06:18

النبي عليه الصلاة والسلام قال للمؤمن يبلغ بحسن خلقه درجة الصائم القائم كويس فالانسان لو هو العبادة بتاعته مش اعلى حاجة في القيام وصيام التوافل والتطوع ممكן يصل الى درجة الصائم والقائم في - 00:06:32

اجر بسبب ايه بسبب حسن الخلق فما بالك لو الانسان هو اصلا اخلاقه حلوة وجمع معها ايه آآ الصيام والقيام الحال في العبادة ماشي ؟ فقال والذين يبيتون لربهم. ولربهم في اشارة الاخلاص - 00:06:51

يبيتون لربهم سجدا وقياما. وييتقلب بين السجود والقيام ثم قال تعالى والذين يقولون ربنا اصرف عنا عذاب جهنم. ان عذابها كان غراما. انها ساعت مستقررا ومقاما تذكرنا ان حال عباد الرحمن - 00:07:10

هو الخوف من النار والحد من اه الاخره فهو خايف من النار كأنه مستحضر عذاب جهنم ودائما اه دايما الخوف من الحساب بيفركر فيه ودائما عامل حساب اللحظة دي فقال والذين يقولون ربنا اصرف عنا عذاب جهنم ان عذابها كان غرام. انها ساعت مستقررا ومقاما ثم قال تعالى والذين اذا انفقوا - 00:07:31

ام يسرفوا ولم يقطروا وكان بين ذلك قواما يعني لو هو آآ بخييل بيمنع النفقه الواجبة ويمنع زكاة المال بيخل بحق الله ويبخل على اهله وعلى ابنائه وعلى نفسه ولا هو مسرف مبذر - 00:07:57

ان المبذرين كانوا اخوان الشياطين. لكن هو ايه معتدل متوسط بيعرف ازي يتعامل وكان بين ذلك قوامة فيدل على عقل الانسان ده. ازي بيعرف يتصرف في المال ثم قال تعالى - 00:08:16

ثم قال الله عز وجل والذين لا يدعون مع الله الها اخر ولا يقتلون النفس التي حرم الله الا بالحق ولا يزنوا فربنا سبحانه وتعالى ذكر ان من صفات عباد الرحمن ان هو بيبعد عن الكبائر دي. لا يشرك بالله - 00:08:34

بل ان هو يكون مخلص في عبادة الله سبحانه وتعالى. لا يدعونا مع الله الها اخر ولا يقتلون النفس التي حرم الله الا بالحق ولا يزنوا لا يقع في الزنا. بيبعد عن الزنا - 00:08:54

كما قال تعالى ولا تقربوا الزنا انه كان فاحشة وساء سبيلا. ثم قال تعالى ومن يفعل ذلك يلقي اثاما يضاعف له العذاب يوم القيمة ويخلد فيه مهانا الا من تاب وامن وعمل عملا صالحا - 00:09:09

فاولئك يبدل الله سيئاتهم حسنات وكان الله غفورا رحيمها حد هنا يعني ممكן انسان مننا يصل للمرتبة دي يعني مرتبة ايه ان هو يحاول يجاهد نفسه ان هو ما بيقاش عصبي - 00:09:23

ان هو يعمل بوصية النبي عليه الصلاة والسلام لا تغصب كل ما حد كده ايه ينكشك تقوم ايه تعصب وتشتم وتسب وتكسر فهل ممكן الانسان يصل الحال دي حال ان التواضع؟ ان هو يتواضع للخلق يتواضع لعباد الله - 00:09:37

يمشون على الارض هونا وان هو يتذكر ان هو مخلوق من الارض هونا واذا خاطبهم الجاهلون قالوا سلاما لو واحد آآ انت ماشي بالعربية واحد كسر عليك ولا شتمك ولا - 00:09:55

ممكنا نصل للحالة دي صح؟ ان هو ايه خلاص يا عم ربنا يوففك جزاكم الله خيرا عادي ممكنا انسان ان هو يعني يتعامل مع الناس كده واحد يتطاول علي فانا آآ ان انا اكون قادر ان انا ارد الاساءة بالاساءة ولكن - 00:10:09

يختار ايه الصفح والحلم والعفو والتجاوز اذا خاطبهم الجاهلون قالوا سلاما ممكنا بقى نفس الانسان ده يكون له حال اه في العبادة وفي القيام في الدعاء يعني بيعرف ان هو كده ايه يتوجه للقبلة ويرفع ايده كده ويأخذ وقت كده يدعوي يسأل ربنا سبحانه وتعالى في اليوم والليلة - 00:10:25

ويكون له حال بالليل يبيتون لربهم سجدا وقياما. مش لازم يكون يعني اه الحال ده ان هو طول الليل بيصللي بس هو اخلاقه حلوة ولما بيدخل وقت الليل تلاقيه صاحب عبادة - 00:10:47

وحال في الخوف من الاخره والتعامل في النفقه وبعد عن الكبائر ولو وقع في شيء من الكبائر يتوب ويتحقق شروط التوبة هي الندم يندم وتكون التوبة دي لله آآ مش عشان زهق - 00:11:00

او مش علشان مسلا قالوا له والله لو انت فضلت تشرب مخدرات دي هتموت فلازم انت تبطلها فهو سابها علشان عشان الصحة مش
مش مثلا خوفا من الله سبحانه وتعالى - 00:11:18

او مش عشان هو مش عارف يعني هو نفسه ان هو يكلم بنات ويصاحب بس مش لاقي حد يكلمه فقال لك خلاص انا ايه يعني انا
مش مش هكلم بنات - 00:11:30

عشان هي مقوله في وشه لقى واحد تاب ترك ده يعني سهل ان هو يعمل معصية وسابها لله سبحانه وتعالى وعزم على عدم الرجوع
وقطع الابواب اللي بينه وبين الذنب. قفل الابواب دي - 00:11:39

قطع الاسباب كل حبل ممكن يوصله للمعصية خلاص هو قطعه وندمان على اللي فات الا من تاب وامن وعمل عملا صالحا فاولئك
يبدل الله سيئتهم حسنات قلنا علماء قالوا يعني ايه يبدل الله سيئتهم حسنات - 00:11:51

قالوا ان الاعمال السيئة اللي كانوا بيعملوها ايه اه تتبدل حسنات. يعني بعد ما كان فلان اسمه فلان الكافر الفاجر او المنافق بقى فلان
المؤمن المطيع المتقى وهكذا. بعد ما كان الانسان بيسمع الحرام ويسمع الغاني والغيبة - 00:12:12

ما بيسمع قرآن بعد ما كان لسانه بيذكر لسانه بيدل ربنا سبحانه وتعالى ويدعو الى الله اولئك يبدل الله
سيئاتهم حسنات او السيئات تبدل حسنات فين - 00:12:34

في الاخرة ثم قال الله عز وجل احنا بقى وقفنا دي كانت يعني ايه مراجعة كده على المجلس اللي فات وهم ان احنا نسمعه عشان
الكلام اللي كان عن التوبة والكلام اللي قبله يعني - 00:12:49

ثم قال تعالى والذين لا يشهدون الزور اذا مروا باللغو مروا كرام احنا لسه دلوقي بنتكلم عن صفات عباد الرحمن وده التفاضل
والتباهي بين عباد الرحمن وبين المشركين اللي ربنا سبحانه وتعالى قال عنهم قبل ذكر صفات عباد الرحمن - 00:13:03

اللي قد استكبروا في انفسهم واتوا عتوا كبيرا آآ قال تعالى آآ اذا قيل لهم اسجدوا للرحمان قالوا وما الرحمان انسجد لما تأمرنا
وزادهم نفورا فربنا سبحانه وتعالى بيذكر صفات عباد الرحمن دول بقى عندهم اه تكبر استكبروا في انفسهم عتوا كبيرا -
00:13:27

آآ زادهم نفورا اعراض والصد والتکذیب والسخرية والاستهزاء وقالوا ما لهذا الرسول يأكل الطعام ويمشي في الاسواق لولا انزل اليه
ملك فيكون معه نذيرا او يلقى اليه كنز او تكون له جنة يأكل منها - 00:13:50

وقال الظالمون ان تتبعون الا رجلا مسحورا. شف بقى كل الرد على كل دول شف بقى صفات ايه صفات عباد الرحمن الا عكس الكفار
اللي ربنا سبحانه وتعالى ذكر احوالهم من بداية السورة - 00:14:07

فقال من صفات عباد الرحمن ان هم لا يشهدون الزور يعني ايه لا يشهدون الزور قال ابن كثير رحمة الله وهذه ايضا من صفات
عباد الرحمن اللي هم لا يشهدون الزور - 00:14:22

يعني لو انت عايز تكون من عباد الرحمن وتأخذ الجزاء والاجر اللي في في نهاية السورة اللي هو اولئك يجزون الغرفة بما صبروا وهم
في الغرفات امنون. اللي هو اعلى درجات الجنة - 00:14:35

فقال ايه ؟ قال تعالى والذين لا يشهدون الزور قال ابن كثير رحمة الله وهذه ايضا من صفات عباد الرحمن انهم لا يشهدون الزور قيل
هو الشرك وعبادة الاصنام وقيل الكذب والفسق واللغو والباطل - 00:14:51

يعني بعض اهل العلم قال ان بعض السلف قال ان الزور هنا بمعنى الكفر والشرك وعبادة الاصنام وبعضهم قال والغناء يعني نصه ان
هو ايه الغناء سماع الغناء وبعضهم قال ان هو مجالس ايه - 00:15:15

الفسق والفحشاء وهكذا. قال محمد بن الحنفية هو الله والغناء يعني نص هنا قال ان من صفات عباد الرحمن ان هو لا يشهد
ايه ما يقعدش في مجلس في اغاني - 00:15:32

ما يسمعش الغاني دي لا يشهدون الزور وقال ابو العالية وطاووس ومحمد ابن سيرين والضحاك والربيع ابن انس وغيرهم هي
اعياد المشركين يعني والذين لا يشهدون الزور يدخل فيها ايه - 00:15:50

مش لاقي مسلم كده وايه ولا بس البتاع الطرطور بتاعه عشان انت واقف بيتصور مع الشجرة من صفات عباد الرحمن ان هو ايه لا يشهدون الزور يعني لا يحتفل لا يشهد يعني هنا بمعنى ايه؟ لا يحضورون - 00:16:06

زي ما ربنا سبحانه وتعالى قال فمن شهد منكم الشهر فليصمم الشهادة اما تيجي بمعنى ان هو حضر او تيجي بمعنى ايه الكلام اللي هو مسلا ايه؟ وشهد شاهد من اهلها. شهد يعني ايه - 00:16:23

اتكلم قال ان كان قميصه الاية فان لا يحضورون. فمن صفات عباد الرحمن علشان يكون هو منتسب للرحمه سبحانه وتعالى. وعشان ياخذ الاجر ده والثواب ده. والمعاملة الخاصة دي ما ينفعش ان هو يكون ايه - 00:16:39

بيحضر اعياد المشركين ويحتفل معه لا يشهدون الزور ما ينفعش ان هو يكون بيحضر حفلات واغاني ورقص واه واه اختلاط شباب مع البنات ما ينفعش يعني ما ينفعش ان هو يكون اه مسلا التراس مغني معين ولا بيلف وراه في الحفلات ولا مهووس به ما ينفعش - 00:16:57

لا يشهد من صفات عباد الرحمن ان هم لا يشهدون الزور وقال آآ قال عمرو بن قيس هي مجالس السوء والخنا يعني الكلام الفاحش يعني ما يقعدش في قعدة كده ايه فيها كلام مش كويسي. او يتفرج على مسلسل مسلا فيه لقطات مش كويسيه - 00:17:18 او في تعرى وفي مشاهد قبيحة ما ينفعش ده مش مش من صفات عباد الرحمن. هو ما يتفرجش ما ينفعش يعني احنا مش بنتكلم هنا عن ايه عن حكم ده الحرمة - 00:17:39

ان هو ينظر الى حرام او يسمع الحرام قوة من صفات عباد الرحمن ان هو يترفع عن ده حباء من الله سبحانه وتعالى حباء من الرحمن يقول انا ما اعملش ده. انا ما ابقاش موجود في المكان ده - 00:17:56

انا ما سمعش نفس الكلمات دي ما سمعش نفسى الموسيقى دي والذين لا يشهدون الزور وده ده فيه ترغيب يا ترغيب ان الانسان ايه كان المعنى هو انت نفسك تبقى من عباد الرحمن - 00:18:10

فمن صفات عباد الرحمن ان هو ما بيعملش ده فانت بقى شوف انت ايه شوف انت عايز تعمل ايه يعني ربنا بيقول ما قالكش ما تعملش ما تروحش. هو قال في مواطن تانية لكن في المواطن ده ايه - 00:18:28 يعني مسلا في مواطن تانية ولا تقربوا الزنا لكن هنا قال ايه ولا يزnon عباد الرحمن ايه؟ هو لا يفعل فعل ده فده ده اسلوب ايه؟ مختلف يعني لابسين الفرق - 00:18:43

يقول من صفات عباد الرحمن ان هو ما بيروحش الاماكن دي فانت ايوة انا عايز ايه انا عايز ابقي من دول ده يرغب الانسان ان هو انا عايز اكون من عباد الرحمن اللي ربنا سبحانه وتعالى بيذكرهم هنا ايه؟ مدح - 00:18:57

يعني ربنا بيتكلم عن ناس عن عباد هو سبحانه وتعالى بيحبهم واصطفاهم قل والذين لا يشهدون الزور ده يعني ده ايه؟ ربنا سبحانه وتعالى يباهي بهؤلاء الذين لا يشهدون الزور - 00:19:13

فانت بقى لما يتعرض عليك ان انت تروح فرح آآ فرح ابن عمك ولا بنت عمك ولا فرح بنت خالتك ولا فرح آآ اخ او اخت او قريب وفيه انت عارف ان فيه حرام وفيه رقص وفيه آآ اختلاط وفيه آآ مغنية رايحة ولا مغني ورقة وعارف ده - 00:19:27 وان الناس هفضل ايه يعني في في اللهو ده والباطل ده طول الليل وممكن حتى يشوف سبحانه الله انسان يفضل قاعد في فرح لحد قبل الفجر ولحد الفجر وفي وقت التنزل - 00:19:47

يعني وقت تنزل الملك سبحانه وتعالى في ثلث الليل الاخير وينادي سبحانه وتعالى هل من مستغفر فاغفر له؟ هل من سائل فاقضي له حاجته اه هل اه هل من سائل فاعطيه؟ هل من ذي حاجة فاقضي له حاجته - 00:20:04

والانسان نفس الانسان ده اللي هو اصلاً فقير ومحتج ربنا سبحانه وتعالى في كل شيء واقف قعد يرقص ويغنى تخيل كده لما ربنا سبحانه وتعالى من فوق سبع سماءات يطلع على خلقه يلاقي واحد قاعد في فرح ولا قاعد في حفلة قاعد يترقص ويمين وشمال والبنات - 00:20:20

لابسة فساتين عارية وواحد تاني واقف اه بيترقلب بين السجود والقيام يقرأ قرآن ويسلام ربنا سبحانه وتعالى او حتى نايم زابط

المنبه على صلاة الفجر تقول لك بيصلني يعني هو نايم على طاعة وظابط المنبه ان هو يصلي الفجر - 00:20:38

انت متتصور ان ده يستوبي قال لا يستوون عند الله افمن كان مؤمناً كمن كان فاسقاً لا يستوون طب ما تقولش اصل انا اصل هم هيزعلوا طب ماشي. وبعدين انت لو لو انت مشيت كل قرار - 00:21:00

دینی في حیاتک ان اصل الناس لو زعلوا مني فخلاص انا هعمل حساب للناس ايه اللي هيتبقى لك في دینک الناس هيزعلوا فانا لازم وانا بتكلم مع البنات بيقى في عشان ما يقولوش علي اه فلاج وعلشان وسائل التواصل الحديثة لازم ان انا - 00:21:19

تكون ايه ابص لها في عينيها وهي تبص لي في عيني. ماشي ولازم لما ادخل المكان لازم اسلم عليها باليديها سلام بالايد فعشان برضه ايه ما ينفعش هيقولوا علي ان انا متشدد. تمام. فهتسلم وهتبص اصل هم خارجين خروجة. اه شباب مع البنات - 00:21:37

وبعد الشغل وعيد ميلاد فلان لو انا هقول لهم بقى اعياد الميلاد انا ما بحضرش اعياد ميلاد ولا هيقولوا علي انا بقى ايه شيخ لا يا عم انا هروح معهم. طب ايه اللي هيبيقى - 00:21:55

بقي في الدين معلش هتيجي تقوم عايز تصلي في المسجد هيترىقوا عليك فلو انت عملت حساب للناس في كل في كل خطوة دينية انت عايز تاخدها في التقرب الى الله سبحانه وتعالى. آانت كده يعني آآ - 00:22:05

انت حاطط نفسك عقبة وهتبقى هي خلاص هي دي اللي مسيطرة عليك فقال من صفات عباد الرحمن والذين لا يشهدون الزور. قال عمرو ابن قيس رحمة الله هي مجالس السوء - 00:22:19

والخنى هاد تلاقي قعدة شباب هم سهرانيين وقادعين مسلا ايه يتكلموا. يفتح بقى ايه كلام الاباحي ويقعد يحكى وده انا كنت مع فلانة وعملت كذا ورحت كذا ومش عارف ايه وبص شوف الصورة دي وبص شوف الفيلم ده ويقعد - 00:22:34

المجلس ده ربنا سبحانه وتعالى بيقول حرام ان انت تحضره ما تباقاش موجود فيه من صفات عباد الرحمن ان هو لا يشهد مجالس اللي فيها الكلام الفاحش ده فقال وقال مالك عن الزهرى - 00:22:53

والذين لا يشهدون الزور شرب الخمر لا يحضرونها ولا يرغبون فيه يعني من صفات عباد الرحمن ان هو الشاب ما يقعدش قعدة فيها بيتلف فيها السجاير ولا يقعد على مائدة يدار عليها الخمر - 00:23:06

ما ينفعش يقول طب اصل انا هقعد معهم مش هشرب انا قاعد معهم وهم بيشيشوا قاعد معهم وهم بيلفوا سجاير حشيش. قعد معهم وهم بيشربوا خمرة. وانا مش هشرب معه - 00:23:27

ربنا سبحانه وتعالى نهاك ان انت تكون في المكان ده امرك ان انت تبتعد عن المجالس دي. وقال والذين لا يشهدون الزور. قال صلى الله عليه وسلم اه قال من كان يؤمن بالله واليوم الآخر فلا يجلس على مائدة يدار عليها الخمر - 00:23:38

حتى لو ايه حتى لو مش هيشرب لان الاصل ان الانسان يجلس في مكان اه هو المكان اللي انت تحب تقابل ربنا سبحانه وتعالى لو مت فيه اقعد فيه يعني لو انت قاعد في مجلس علم - 00:23:57

ولو انت رايح تصلي اه جماعة في المسجد ولو انت قاعد مسلا في بيت الله سبحانه وتعالى بين المغرب والعشاء مسلا تذكر ربنا سبحانه وتعالى ولا قاعد ايه بتقرأ قرآن انت تحب ان انت تموت على الخاتمة دي تحب - 00:24:12

ربنا على الحال ده في المكان ده. يعني وانت بتتطوف حوالين الكعبة مسلا او انت في مسجد النبي عليه الصلاة والسلام. في طهارة طهارة البقاع دي انت تحب ايه تقابل ربنا في المكان ده - 00:24:26

كذلك زي ما انت المكان اللي انت تخاف ان انت تموت فيه ما تزوحوش ما تقدرتش فيه. يعني انت انت تخاف ان انت تموت في قاعة افراح مسلا وحواليك اغاني واحد تخيل واحد قاعد بيرقص وحواليه البنات ومش عارف ايه جت له سكتة قلبية ومات - 00:24:38

ها يقابل ربنا ازا ده هو مات على يشوف الرجال اللي كان مسافر يحج رايح يحج وقصته الدابة ومات وهو ايه ومحرم قال بيعث يوم القيمة ايه ملبيا النبي عليه الصلاة والسلام قال بيعث يوم القيمة ملبيا. طب الثاني بقى اللي واقف على حفلة وقد يترقص ويغنى وحواليه البنات بترقص عاريات - 00:24:54

ده لو مات على الوضع ده بيعث ايه عشان مات على شيء بعث عليه فانا انا انسان عاقل انا ما اروحش مكان انا يا عم انا افرض افرض

المكان ده نزلت نزلة عقوبة - 00:25:23

افرض ربنا خسف من مكان ده الارض. انا ابقي موجود في وسطهم آآ قال ما لك عن الزهري في معنى قول الله سبحانه وتعالى
لا يشيل النزول قال شرب الخمر. قال لا يحضرؤنه ولا يرغبون فيه - 00:25:35

وقيل المراد بقوله تعالى لا يشهدون الزور احنا لسه مع كلامنا كثير. قال اي شهادة الزور اللي هي ايه الكلام بقى وهي الكذب متعمدا
على غيره ان واحد شف من صفات عباد الرحمن ان هو لا يعتمد الكذب على الناس - 00:25:52

ان واحدة تبقى مسلا في الجامعة غير ان مسلا من واحدة صاحبتها آآ ان هي مسلا بنت مسلا محترمة ولا بنت متدينة ولا بنت جميلة
ولا بنت لها آآ يعني سمت معين وهي - 00:26:13

غيرانة منها ومتضايقه ان هي مسلا ايه دي بتتكلم بنات وما بتتكلمش بنات ما بتتكلمش قصدي آآ ما بتتكلمش قلات ماشي ان دي بتتكلم
ومصاحبة ولها علاقات والثانية الثانية بعيدة عن الكلام ده - 00:26:28

تتكلم بكلام زور تطلع عليها كلام تقول فلانة ده كذا وبتعمل كذا وهي عاملة نفسها محترمة وعاملة نفسها مؤدية. وبتمسل علينا وعاملة
مش عارف ايه وهي خاربها وهي عاملة مش عارف ايه - 00:26:44

ده ده من اكبر الكبائر النبي عليه الصلاة والسلام قال من قال في مؤمن ما ليس فيه اسكنه الله ردة الغال حتى يخرج مما
قال قالوا ايه رغوة الغال دي - 00:26:58

قيل هي عصارة اهل النار يعني هيكون له مكان مخصوص في النار اللي هي عصارة ما يسييل من لحوم اهل النار من من الصديد
والقيق والدم من العذاب هو قاعد في المكان ده في عصارة اهل النار - 00:27:13

اه اللي هو عمل ايه؟ من قال في مؤمن ما ليس فيه يتهم انسان بشيء باطل او يطلع عليه كلام او او يشهد شهادة زور فقال والذين لا
يشهدون الزور - 00:27:32

قال وهي الكذب متعمدا على غيره قال صلى الله عليه وسلم اتدرون ما الغيبة؟ قلنا الله ورسوله اعلم. قال الغيبة ذكرك اخاك بما يكره
قلنا يا رسول الله ارأيت ان كان فيه ما نقول - 00:27:44

كان في اخي ما اقول قال ان كان فيه ما تقول فقد اغتبته. وان لم يكن فيه وقد بهته هو فيه واحد اصلا ما عندوش مشكلة ان هو
يطلع كلام عن الناس. هو هو البهتان ده عنده حاجة ايه - 00:28:02

حاجة عادي البهتان ان هو حاجة اصلا ما لهاش اصل وقال ان كان وان لم يكن فيه فقد بهته فاياك ان انت نفسك تسول
ليك علشان انت متضايق من حد او منفسن منه شوية او بتحسدك ان انت ايه - 00:28:15

ان انت تكذب وتطلع عليه وتفتري عليه وتطلع عليه كلام او الاشد بقى الصورة الاشد اللي هي من اكبر الكبائر ان يروح في المحكمة
ويشهد يقول له شفت فلان بيسرق يقول له شفته بعانيا دول - 00:28:35

شایفه وهو رايج يسرق واحد الحاجة معه وعمله عشان ياخد على باب المحكمة روحوا عند المحكمة كده تلاقى واحد بيع بيع دينه
وبيبع اخرته بمتيين جنبيه يدخل على واقف كده بيتأجر شهادة زور - 00:28:48

ويدخل واحد عمره ما شافه ولا يعرفه ويقول له شفته وهو بيسرق شفته وهو بيقتل وشفته وهو بيعمل. يضيع مستقبل واحد بمتيين
جنبه النبي عليه الصلاة والسلام قال ان من اكبر الكبائر - 00:29:06

اكبر الكبائر الا انبئكم باكبر الكبائر ثلاثة آآ قال صلى الله عليه وسلم الاشراك بالله وعقوب الوالدين قال وكان متكنا فجلس قال الا
وقول الزور الا وقول الزور الا وشهادة الزور الا وقول الزور وشهادة الزور. قال فما زال يكررها - 00:29:21

حتى يقول يا ليته سكت يشوف النبي يكررها عشان الناس لا تقع فيها ومع ذلك عادي اسهل حاجة فقال قال ابن كثير والاظهر من
السياق ان المراد بقوله سبحانه وتعالى لا يشهدون الزور اي لا يحضرؤنه. يعني ابن كثير رحمه الله رجح ايه - 00:29:45

ان اللي يشهدون هنا بمعنى ايه مم ولهذا قال اذا مروا باللغو مروا كراامة اي لا يحضرؤن الزور ده في الاصل ولا يعتمد ان هو ايه
يعني يشتري آآ التذكرة بتاعة الحفلة ويروح هي عارفة ان فيه فرح آخر الشهر فقاعدة بقى ايه هي آآ بين البرايد ميدز - 00:30:09

رايحة تعمل فستان هي بتفصله ورايحة للخياط وتدفع مبلغ في الفستان ولا عايزيته يبقى ماسك من هنا ومش عارف هي ايه عقد العزم ان هي رايحة اخر الشهر تشهد الزور - [00:30:34](#)

يعني هي مخططة ماشي لا يشهدون الزور بيقول بقى ان ان مش بس كده ان هو لا يتعمد لا ينوي ان هو يزهب او ان هو يجلس يحضر اماكن الزور. وازا مروا باللغو - [00:30:49](#)

مروا كرام يعني اذا صادف ان هو ايه عدى كده ايه قدام حاجة آآ اذكر لكم ايه اقوال آآ الطبرى رحمة الله في معنى قوله تعالى اذا مروا باللغو. المهم ابن كثير رحمة الله قال - [00:31:04](#)

قال اه اه وذا مروا باللغو كrama اي لا يحضورون الزور وذا اتفق مروهم به مروا ولم يتذنسوا منه بشيء يعني لو هو مسلا ايه معدى كده هو الحمد لله تاب من الاغاني وبعدين معدى كده - [00:31:18](#)

او مسلا ايه ركب تاكسى او ركب في موصلة او عدى في مكان فلقى فيه أغنية مسلا قديمة من اللي كان بيسمها وبيحبها. يقوم واقف على جنب كده وسند على الحيطه وحط ايده على خده - [00:31:37](#)

يا سلام شوف برضو طرب كان في حاجات كانت حاجات حلوة والله. ويقعد بقى ايه يعني ده ده مش مروا كrama. ده هو وقف عند الزور وقعد بقى ايه يتلزز به - [00:31:50](#)

ده ده ايه؟ ده مش داخل في الاية ان من صفات عباد الرحمن وازا مروا كrama يعني ايه يقول لك انا اكرم سمعي عن الكلام ده. اما تقدر انت تهرتل مسلا ولا تقول اي حاجة يقول لك يقول لك آآ بقول لك ايه؟ انا اكرم سمعي عن الكلام اللي انت بتقوله ده - [00:32:07](#)

انا اكرم لسانى ان انا ارد عليك فمروا كrama يعني ايه يعني هو حتى ورد آآ اورد اثر اه قال قال ابن كثير قال ابن ابي حاتم حدثنا ابو سعيد الاشجعى حدثنا ابو الحسين العجلى عن محمد ابن مسلم اخبرني ابراهيم ابن ميسرة ان ابن مسعود رضي الله عنه - [00:32:27](#)

قرب له معرضا فقال النبي صلى الله عليه وسلم لقد اصبح ابن مسعود وامسى كريما يعني هو مر باللغو ده فايه؟ فاعرض ولهذا قال مروا كرام آآ شوف هنا الطبرى رحمة الله قال كلام جميل في الاية يعني - [00:32:50](#)

قسمها اقوال جميلة. المهم ان ده ده نظير قول الله سبحانه وتعالى آآ وذا رأيت الذين يخوضون في اياتنا فاعرض عنهم حتى يخوضوا في حديث غيره واما ينسينك الشيطان فلا تقدر بعد الذكرى مع القوم الظالمين. يعني ده يدخل فيه ايه - [00:33:13](#)
 فهو قاعد هو لا هو درس عقيدة ولا هو طالب علم مسلا متمنك ولا ولا حاجة من الحاجات دي هو على الله كده خالص يعني لسه ايه يعني سمع له درسين يقول لك انا هدخل ارد على الشبهات - [00:33:31](#)

يا عم اهدى فيدخل على اه قنوات الملحدين وعلى الواقع ومش عارف ايه يقول لك انا هتصدى لهم وارد على الشبهات. ويفضل قاعد يتفرج يشرب في الشبهات وبعدين تلاقي هو ايه - [00:33:44](#)

هو افتتن بقى قلبه شرب شبهات وخلاص ويجي يروح مسلا واحد يسمع بقى واحد بقى ايه بيفك له الشهوة الشبهة اللي عنده يقوم معقدتها له اكتر يرد رد يخليله ايه - [00:33:59](#)

دماغه تضيع خالص طب ليه يعني انت ليه تعمل في نفسك كده ما دام انت خالص انت ربنا سبحانه وتعالى غيبك عن هذا الموطن ما تروحش الفتنة برجليك يعني ما هياش بطولة يعني مش بطولة ان الانسان يجازف بيدينه. كتير من الناس كتير من الناس وللاسف - [00:34:14](#)

للأسف ده بقى منتشر ان مسلا بنت مصاحبة واحد ملحد هي كانت مصاحبة واكتشفت ان هو بعت رسائل كتير جات لي نفس نفس القصة كانت مصاحبة واحد وبعدين بعد شوية اكتشفت ان هو ايه - [00:34:37](#)

ان هو ملحد مش دي المشكلة يعني مش المشكلة ان هي ايه ان هي بتعمل حاجة حرام وان هي بتصاحب واحد وان هي على خطير والكلام ده خالص. المشكلة ان هي باعنة رسالة لايه - [00:34:53](#)

بعد الرسالة علشان هي عايزه تقنعه ان هو يرجع للسلام تاني يعني هي مش بتقول اللي انا بعمله ده حلال ولا حرام ان انا مصاحبة اصلا. يعني حتى لو مصاحبة واحد مسلم - 00:35:05

ومصاحبة واحد ما بيقومش من على السجادة فده حرام ماشي يعني لو هو قاعد بيقول لك الاذكار ويفكرك باذكار النوم بيفتحيك الفجر فده برضو حرام فهي مصاحبة واحد ملحد ومش بتسأل يعني مش يشوف المشكلة - 00:35:18

تمامه ان هي مش مش مش مشكلتها الصحوبيه دي حرام ولا حلال؟ هي خايفه عليه فعايزه باعته لي رسالة علشان اكلمه اقفعه ان هو ايه يرجع للسلام تاني ويكملاوهم الصحوبيه بتاعتهم - 00:35:33

المشكله بقى ايه؟ ان كتير من البنات لما بتفضل مستمرة في علاقة زي دي هي في الآخر بتوصل ايه؟ بيوصل بها لحل ايه ان هي بتلحد ان هي بتلحق. طبعا العاطفة بتغلب وممكن واحدة تتجوز واحد - 00:35:47

وبعد لما تتجوزي تكتشف ان هو ملحد وده كتير يعني هي اتجوزته وهو عمل نفسه ان هو عادي في الآخر اكتشفت ان هو ان هو ملحد كافر بالله سبحانه وتعالى - 00:36:08

طبعا ده له احكام تانية يعني ده حكم ده هي تستفتي فيه وترجع لحد من اهل العلم وتستفتني. احنا مش بنتكلم عن حكم المسألة. احنا بنتكلم الواقع اللي بيحصل فانت ليه ان انت تعرض نفسك من البداية؟ قالوا والذين لا يشهدون الزور واذا مروا باللغو مروا كrama. جه قدامك آآ فيديو لواحد ملحد. اما ادخل كده شف بيقول ايه. لأ ما تدخلش - 00:36:19

ليه تدخل تشووف هو بيقول ايه ربما ان قال كلمة وقعت في قلب الانسان مش علشان هو كلامه آآ قوي يعني ما حدش يفهم من كلام ان ده آآ خوف او ان احنا يعني مش - 00:36:39

على بينة او مش على يقين لا. كل الكلام اللي بيقوله كلام خايب يعني كأي يعني اقل طالب علم في الباب متخصص في الباب هيعرف يرد عليه. لكن هو بيعتمد ان الناس ايه - 00:36:52

الناس لا بتقرأ ولا بتتعلم وبيعتمد ان اغلب الناس بعيد عن الدين ايمانيا وعلميا ومش لاقى حد يسأله وبالتالي هو بيضرب على الحاجات دي يغرب على الانسان يقول له حاجات غريبة ويفاجئها بها وهي حاجات موجودة في كتب اهل العلم. عادي. ما جابش حاجة - 00:37:07

ماشي فقال آآ كما قال تعالى واذا رأيت الذين يخوضون في اياتنا فاعرض عليهم حتى يخوضوا في حديث غيره. واما ينسينك الشيطان فلا تقع بعد الذكرى مع القوم الظالمين قال قال ابن جرير في قوله تعالى واذا مروا باللغو مروا كرام - 00:37:27
قال اختلف اهل التأويل بمعنى اللغو قال بعضهم معناه ما كان المشركون يقولونه للمؤمنين يعني المسلم المؤمن الصحابي يعدي كده من قدام ايه ابو جهل ولا شيبة ولا عتبة ولا اي حد من الكفار فيقعد ايه - 00:37:50

يقدر بقى ايه يأزبه بالكلام ويشتمه ويقول له ده احنا هنعمل فيكم وهنسوي ومرورهم به كrama. هو ايه بقى؟ اعراضهم عنهم اول لما يعدي كده ماشي تمام ولا تسبووا الذين يدعون من دون الله - 00:38:08

فيسبوا الله ايه عدوا بغيرها خلاص انت ده طبعا ايه؟ في في مكة. لذلك بعض اهل العلم قالوا ان الاية مكية ماشي قال اخرون بل معناه واذا مروا بذكر النكاح كفوا عنه - 00:38:27

بذكر النكاح يعني ذكر الكلام المتعلق بالنكاح. تفاصيل النكاح. هو انسان عفيف حبيبي لا يتكلم بالكلام الصريح بالألفاظ الصريحة الخاصة بيها امور النكاح قال عن مجاهد اذا مروا باللغو مروا كrama كانوا اذا اتوا على ذكر النكاح كفوا عنه - 00:38:44
وقال اذا مروا بالرفث كفوا يعني مش لاقى دلوقتني للاسف راجل شاب وراجل ولسه متجوز ويقدر مع صحابه ويقدر يحكى لهم على مراته وعلى العلاقة الخاصة اللي بيبني وبينها - 00:39:05

وده ده من الكبار النبي عليه الصلاة والسلام حذر من الفعل ده قال الرجل يفضي الى امرأته والمرأة الرجل يفضي المرأة والمرأة تقضي الى الرجل ثم يفتشي سرها ده يعني ده يعني - 00:39:22

ده يعني غير ان هو حرام شيء يعني فيه قلة مروءة ونخوة ان الرجال يقدر في وسط اصحابه علشان يعمل حاجة يحكى لهم تفاصيل

في العلاقة الخاصة بيته وبين زوجته - 00:39:40

قلة قلة دين وقلة مراه وقلة نخوة وقلة غيره فقال ان من صفات عباد الرحمن اذا مروا بالرفث الكلام اللي هو الفاحش مروا كرام وقال اخرون اذا مروا بما كان المشركون فيه من الباطل مروا منكرين له. ده معنى - 00:39:54

قالوا مروا كراما هنا بمعنى انكار المنكر يعني ان انت لا تكرم نفسك ازاي ان انت لا تقبل المنكر ده مروا كراما يعني انكروا. قال ابن زيد قال هؤلاء المهاجرون - 00:40:13

والله ما كانوا فيه من الباطل. يعني المشركون وقرأ فاجتنبوا الرجس من الاوثان وقال الحسن اذا مروا باللغو قال اللغو كله المعاصي ماشي ثم قال الله عز وجل والذين اذا ذكروا بآيات ربهم - 00:40:29

لم يخرروا عليها صما وعميا. مش هو قال قبلها اذا قيل لهم تجوده للرحمون؟ قالوا وما الرحمن؟ السورة كلها آتا ذكر احوال المشركون. وبعدين ربنا سبحانه وتعالى يتكلم عن آياته - 00:40:52

وهو الذي مرج البحرين هذا عذب فرات وهذا ملح اجاج. ويدرك هو الذي اه خلق من الماء بشرا وهو الذي يعدد الآيات وبعدين يقول ويعبدون من دون الله ما لا ينفعهم ولا يضرهم - 00:41:09

يعدد الآيات والنعيم بعد كل الآيات دي لا اقرأ سورة الفرقان كده من اول في الآخر قالوا ايه وما الرحمن؟ انسجد لما تأمرون وزادهم نفور. فربنا سبحانه وتعالى يذكر عكس بقى ايه؟ فعل الكفار - 00:41:24

الكافر يذكر بالآيات والمنافق يذكر بالآيات ولا يعتبر لكن من صفات عباد الرحمن ان لما تسمع موعظة تفكرا انها هعمل ايه مش تقدر كده اه والله كلام جميل كلام ممتاز - 00:41:39

انا فعلا يعني كلام حلو الكلام ده اثر فيها جدا. وبعدين يطلع ايه؟ ولا حاجة كفعل المتخاذلين. ماذا قال انس؟ اخرجوا من مجلس النبي عليه الصلاة والسلام. يقولوا هو كان بيقول ايه - 00:41:56

هو قاعد في المجلس وسامع الكلام ومع ذلك ايه بيخر على كلام اصم واعمى يقول لك خروا ده يعني نزل على الارض عارف زي مسلا تيجي تكلم زي ايه في وسط سيدنا نوح - 00:42:09

اه اه قال واني كلما دعوتهم لتفحر لهم ايه جعلوا اصابعهم في اذانهم واستغشوا ثيابهم واصروا واستكروا استكروا. فابن عاشور رحمة الله بيقول ان ان هنا لم يخرروا عليها ان تخيل كده هو داخل يكلمه - 00:42:24

فهو يقوم موطي نازل على الارض كده كانه ايه؟ يخر على الارض مش عايز يسمع يسد ودانه وينزل يحط وشه في الارض علشان لا يسمع ولا يشوف خروا يقولوا خر ده حقيقة كدب - 00:42:40

وقال قال تعالى والذين اذا ذكروا بآيات ربهم لم يخرروا عليها صما وعميا. هذه من صفات المؤمنين كما قال تعالى الذين اذا ذكر الله وجلت قلوبهم اذا تليت عليهم آياته - 00:42:59

زادتهم ايمانا وعلى ربهم يتوكلون يعني من صفات انت تقيس الایمان ايه في قلبك مقاييس الایمان لما تسمع الموعظة تشواف ايه انت بتتأثر وجلت قلوبهم. اه بدأ يفكر ويعتبر بالكلام ويختلف ويحسب حساباته - 00:43:17

واذا تليت عليهم اياته زادتهم ايمانا وعلى ربهم يتوكلون قال بخلاف الكافر فانه اذا سمع كلام الله لا يؤثر فيه ولا يقصر عما كان عليه بل يبقى مستمرا على كفره وطغيانه وجهله وضلاله - 00:43:38

زي قصة آتا سيدنا هود عليه السلام قالوا سوء علينا اوزعت ام لم تكن من الواعظين ان هذا الا خلق الاولين يعني في الآخر ايه مهمما حاولت وقعدت تتكلم معنا انت نصحت او ما نصحتش الكلام بتاعك ايه - 00:43:55

فمش هيفرق معنا قالوا يا نوح قد جادلتنا فاكترت جدالنا فاتنا بما تدعون ان كنتم طولت معنا في الكلام فاتنا بما تدعون ان كنت من الصادقين ده حال الكافر كما قال تعالى اذا ما انزلت سورة فمنهم من يقول ايكم زادته هذه ايمان - 00:44:16

فاما الذين امنوا فزادتهم ايمانا وهم يستبشرون. واما الذين في قلوبهم مرض فزادتهم ايه رجسها الى رجسها يعني تنزل ايات وهو يزداد ايه يزداد في الطغيان ويزداد في البعض وقال فقوله تعالى لم يخرروا عليها صما وعميانا اي بخلاف الكافر - 00:44:40

الذى ذكر بآيات ربه فاستمر على حاله كأن لم يسمعها اصم اعلى. قال مجاهد لم يخروا عليها صما وعميان لم يسمعوا ولم يبصروا ولم يفهوا شيئا قالوا يا شعيب ما نفقهه كثيرا مما تقول - 00:45:04

وهو اصلا بيكلم ايه يعني هو ما اتكلمش كلام بلغة تانية هو تكلم ايه هو يعني بيكال ان شعيب خطيب الانبياء اللي هو تمام الفصاحة والبلاغة وفي الاخر قالوا له ايه - 00:45:26

عايز يقول ايه فاهمين ها هم انا افهوا كثيرا مما تقول وانا لنراك فينا ضعيف. ولو لا رهتك لرجمناك وما انت علينا بعزيز هنا بيكول لم يسمعوا ولم يبصروا ولم يفهوا شيئا - 00:45:41

يجي يسمع الایات ويسمع النصيحة ويسمع يقول لك هو هو الشیخ قصده ايه يا عم قصده انت اللي انت بتعمله ده غلط اللي انت بتعمله ده حرام هو تقصد تلاقيه كل حاجة زي كان دكتور عبد الصيف بيقول - 00:45:57

كل حاجة تلاقي ايه دماغه مفتوحة فيها ويقعد ويدور لو هيشتري حاجة لو هيشتري حاجة يفضل يتفرج على ريفيوهات ويفضل ويشفوف ويدخل ويشوف عيوبها ويشفوف رد الرد على الرد ويدخل يكتب هيشتري حاجة يعني - 00:46:08

هيدفع مسلا لو هيدفع فلوس هيقول لك انا هدفع انا لازم اقدر افصص في الحاجة قبل ما اشوفها وعنه استعداد يفضل تلات اربع ساعات يتفرج على ريفيوهات ما عنديش مشكلة. ليه؟ هدفع فلوس - 00:46:23

عايز اعرف الحاجة اللي هجيبها دي حلوة ولا مش حلوة وما عندوش استعداد لو سمع معلومة اه اشكلت عليه خلاص مش مهم عادي يعني مادين فيه حاجات كتير هي يعني دي الحاجة الوحيدة اللي انا مش فاهمها - 00:46:35

في حاجات كتير مش فاهم عادي يقول ان هو بيعامل مع الایات تعامل مختلف فقال قال مجاهد في قوله تعالى لم يخروا عليها صما وعميا. قال لم يسمعوا ولم يبصروا ولم يفهوا شيء - 00:46:47

وقال الحسن البصري رحمه الله بيقول ايه شف الكلمة دي قال كم من رجل يقرأها ويخر عليها اصم اعمى يعني بيكول في واحد بيقرأ الآية دي كم من رجل يقرأها - 00:47:01

وبعدن ربنا بيقول والذين اذا ذكروا بآيات ربهم لم يخروا عليها صوما واعمالا وهو بيسمع الآية. وهو ايه؟ هو حاله ايه ان هو اصم واعمى مع ايات الله والدليل ان هو سمع الایات اللي فاتت - 00:47:14

اللي بتاعة عباد الرحمن وهو لسه مقيم على ايه مقيم على الشرك ومقيم على الزنا ومقيم على آآ على سوء الخلق ما تغيرش قال مجاهد قوله تعالى قال قتادة - 00:47:31

آآ رحمه الله قوله تعالى والذين اذا ذكروا بآيات ربهم يقول لم يصموا عن الحق ولم يعموا فيه فهم والله قوم عقلوا عن الله وانتفعوا بما سمعوا من كتابه قال ابن زيد - 00:47:44

قال هذا مثل ضربه الله لهم لم يدعوها الى غيرها وقرأ قول الله عز وجل انما المؤمنون الذين اذا ذكر الله وجلت قلوبهم يعني بيقول هم - 00:48:04

ما كانواش من اهل الآية الثانية. لم يدعوها لم يدعوا اللي هو ان هو يخر عليها اصم واعمى الى قول الله سبحانه وتعالى الذين اذا ذكر الله وجلت قلوبهم. يعني بيقول له كان الاصل ان هم ايه؟ يكونوا على الحال الثاني ده - 00:48:21

ما بيقاش اصم واعمى قلبه آآ يتأثر يعني ثم قال تعالى والذين يقولون ربنا هب لنا من ازواجنا وذرياتنا قرة اعين واجعلنا للمتقين اماما دعاء عظيم الدعاء ده يجمع الانسان السعادة في الدنيا والآخرة - 00:48:36

ان سعادة الدنيا ايه ها زقي انت اللي قلت الزوجة الصالحة وايه والزوجة الصالحة ما هو انت ممكن تبقى انت الحمد لله تمام صحتك حلوة وراجل عاقل ماشي ومعك فلوس الحمد لله وشغال شغالانة حلوة وساكن وتمام التمام وما عندكش اي مشاكل - 00:49:01

تيجي تتجوز واحدة تطلع عينك او العكس برضه عشان ايه ما يجيش واحدة دلوقتي تقوم قايلة هو انت كل حاجة يعني انا بضرب مثال والله يعني لسه هاجي فييجي يجوز واحدة تطلع عين - 00:49:22

سوء عشرة وعناد ومتكرة ومش عايزه تسمع الكلام والراجل ما قلش حاجة يجي يتكلم في حاجة تقوم ردة عليه وتعللي صوتها وند

بالنند وعناد ومش هيجي الرجال يا عيني يعني الحنة اللي باقية في عقله خلاص ايه هيهمشي في الشارع يضرب اخناس اسداس ويهمشي - [00:49:41](#)

يحوقل ويسبح ماشي؟ فهو ايه الرجال اتجن من بسبب ايه مسمى رأى السوء ان هي زوجة غير صالحة عنيدة واحلاقها سيئة وسيئة العشرة وسيئة الخلق. وزيادة على ده ان هي تكون بعيدة عن الدين. لأن هو ده الاصل في الآية هنا - [00:50:01](#)

او بقى الولد يعني ست طيبة وكل حاجة بس بيتبلي بعييل سو كل ما ينزل الشارع يطلع عامل مشاكل وضارب واحد وفاتح دماغ واحد ومكسر ازار عربية وعامل وهو قاعد يا عيني يلم وراه - [00:50:23](#)

قادع كل شوية يدخل ابنك عمل كذا ابنك مش عارف ايه روح المدرسة يلاقي عين مضروب وراسه مفتوحة يلاقي مدرسة مش عارف عامل فيها ايه يلاقي درجاته وزي الزفة فطول ما هو الرجال يا عيني ايه - [00:50:39](#)

ياخد العربية من ورا ابوه الواد ياخد العربية من ورا ابوه يقوم داخل مدغدغ له العربية طيب بيقى الولى اللي غير صالح ده ايه كان سبب فيه ان هو حياته في الدنيا تتقدر - [00:50:52](#)

عاملين له ده غير بقى ايه المشاكل الدينية بقى كمان. لا بيسلي ولا ولا بيبعد عن الحرام. ولا ان هو والعياز بالله يدخل في سكة مخدرات فده يكون هم وغم على ايه - [00:51:07](#)

على الوالد فعشان كده مهم ان احنا ندعوي بالدعوة دي وانت مش بتدععي خد بالك مش بتدععي ان ده علشان بقى انت بقى الشيخ بقى وعشان انت عالم وعشان كده فطبيعي ان مراتك بقى هتبقى اه ما شاء الله يعني من اه من الصحابيات - [00:51:21](#)

وعيالك هيبقوا بقى ايه ما شاء الله العيال آلا بسين الطواقي وزي الحاجات العيال اللي بيسجعوا في الصور دول. لا يا حبيبي هي ما هيماش مش مش بشطارتك مش مش شرطك - [00:51:35](#)

ربنا بيقول هنا والذين يقولون ربنا ايه هب هاب يعني ده ايه هبة عطية من الله ده تفضل من ربنا سبحانه وتعالى ان ان الادب ادب الزوجة وادب الاولاد ده من عند الله سبحانه وتعالى عشان ما تبقاش انت فاكر ايه ده انا من عباد الرحمن بقى - [00:51:46](#)

ده انا واحد بصلني وبيتون على ربهم سجدا وقياماولي دعاء وباعمل واصلا انا ما ليش في الكبار هو المفروض ان انا بقى ايه اول بقى بيتي هيبقى ماشي كده تمام مية في المية - [00:52:06](#)

ومراتي اقول لها يمين يمين شمال شمال وما شاء الله مين قال لك كده هي ما هيماش مش شرطك والا لو هي لو الامر كده بالايام انت ايمانك اعلى ولا سيدنا نوح - [00:52:18](#)

سيدنا لوط عليه السلام ومع ذلك ربنا سبحانه وتعالى قال وضرب الله مثلًا الذين كفروا امرأة نوح وامرأة لوط كانتا تحت عبدين من عبادنا صالحين فخانتهما فلم يغريا عندهما من الله شيئاً وقيل ادخلنا النار مع الداخلين - [00:52:33](#)

فهي ما هيماش هنا هبلة انا دي دي فائدة ماشي؟ ان الانسان يفهم ان هي مش مش شرطك الادب ادب الله سبحانه وتعالى الانسان اه العلماء قالوا ان هنا يدخل فيها ان هو من البداية ما هو انت عايز ربنا هب لنا من ازواجنا وزريتنا قرة اعين - [00:52:52](#)

فانت عايز عينك تقر. تقر لما تشوف زوجتك وتشوف ايه ابئاثك. فمن البداية انت تأخذ واحدة ايه واحدة ملتزمة وواحدة متدينة عشان لما تشوفها بعددين لابسة ما شاء الله الحجاب ما شاء الله بتصلّي بتتصحي تصلي الفجر لها حال في العبادة بتتقى الله عز وجل بتخاف من ربنا فلما تيجي تيجي تخلف وتربى - [00:53:13](#)

هتربي العيال على ايه اطبيهم على الدين لكن لما ياخد واحدة بعيدة عن الدين يقول لك يا عم انا مش عايز اخنق نفسى كأن كأن البنت الملتزمة والمنتقبة اللي لابسة خمار دي جاية من عالم تاني جاية من كوكب تاني - [00:53:33](#)

هو عنده تصور تلاقي بعض الشباب كده عنده تصور يقول لك الاخوات دول ايوة مالهم الاخوات معلش يعني مش فاهم تقول لك الاخوات دول آآه هتقدر بقى تقول لي جزاكم الله خيرا يا اخي وتفضل ومش عارف - [00:53:47](#)

هو ده ده تحس ان هو عنده حاجة عنده مخه يعني ده اصلا ده فين في الواقع يعني؟ هي هي البنت دي كانت ما هي اصلا من سنتين ثلاثة كانت بتتفرج على افلام وبتسمع اغاني وهي ما اتولدتش بالنقاب يعني - [00:54:03](#)

هي هي كانت زيك رينا من عليها وتابت وخلاص وبقى تحفظ قرآن وبقت تتعلم وبقت تبعد عن الحرام. زيك يعني بالطبع اه يعني الله يفتح عليك يا حاج محمد تصور ان ايه؟ وده احياناً يكون من الشيطان. يقول لك انا مش عايز واحدة آآ ملتزمة - 00:54:14
وتنلاقى الاخ ودقنه يقول لك مش عايز واحدة لابسة النقاب. ليه يا حبيبي مش عايز تتجاوز واحدة منتقبة ليه بيقول اصل بصراحة يعني انا ايه يا حبيبي ما لك؟ ما هم يعني معلش يعني دي واحدة بزلت وعملت ضحت عشان الدين ومش عارف وانت بتدور على - 00:54:33

على على واحدة متدينة. طب انت ايه المانع؟ ايه مشكلتك يعني يقول لك لأنها عايزها زي شاب من شاب يقول لي عايزها بشرها قلت له ليه؟ هو متكلم في الاختيار والزوجة وتبحس عن انسنة دينة واللي بذلت للدين ومش عارف ايه. وتقدم على غيرها - 00:54:51

واحدة واحدة ضحت وواحدة بتحفظ قرآن وواحدة بتجاهد مش معنى كده ان في عموماً ان اللي عملت احسن من اللي ما عملتش لكن الظاهر ان واحدة ايه واحدة بقالها سنين بتعافر صابرية على اзи المجتمع ولا بستة نقابها ومستحملة الحر وبتحفظ قرآن وبتحاول تتعلم وبتحاول تحسن اخلاقها - 00:55:08

ماشي وفي المقابل حد تاني ما خدش الخطوات دي فاييه ايه اللي انت تقدمه لما تيجي تختار مقاييس الدين ايه؟ لو جالك واحد واحد آآ بيجمع الصلوات وواحد بيصلي الصلاة في وقتها في البيت وواحد بيصلي الفجر في المسجد - 00:55:31

انا تلقاءي هقول ايه ان اللي بيصلي الفجر في المسجد ده بينزل للدين ايه ده اكتر ما ليش بعدها هو طلع بعدها بقى ايه طلع آآ منافق طلع مش عارف يعني دي مش قصتنا انا دلوقتي انا راجل عندي امكانيات عقلية محدودة فبحكم بايه - 00:55:49

بالظاهر اللي انا شايفه نسأل ونشوف وندور وتمام. تمام فانت يقول لك لا انا عايزها بشرها طب ليه يا حبيبي؟ يقول لك عشان لما نسافر هاني مون تبقى هي لابسة الهروت شورت والله والله العظيم واحد قال لي كده وشنبه قد كده - 00:56:06

وفي المسجد يعني في المسجد في العشر الاواخر يعني يعني اه بنكون عاملين درس ولقيته شنبه قد كده بقول لك عايزها عايزها بايه عايزها من غير حجاب فاقول له يا حبيبي يعني انت عايز تمسي مراتك جنبك لابسة هوت شورت وماشي كده يقول اه عشان آآ عيش حياتي. وبعدين تبقى تتحجب بعدين - 00:56:25

ماشي هي اتحجب بعدين او انت بقى ايه طب وانت بقى بعدين هيحصل لك حاجات تانية هو انت اللي هتحرق شنبك بعدين. وبعدين تيجي بعدين بقى تقول لها تعمل بقى عليها اه اه رجل دين وتعمل عليها ملتزم - 00:56:50

تقول لها ما هو ده اللي بيحصل يقول لك انا هاخدها وبقى هخليلها بقى ايه اسيبها براحتها شوية وبعدين ايه حبيبي خليك واضح ما دام انت راجل بتاع دين من البداية خليك بتاع دين ما تقدر ما تدخلش دخلة ايه - 00:57:07

تقعد تستحلب وتتدخلب عشان بنت حلوة وعجبتك وتيجي بعدين في الآخر قدام تقول لها بقول لك ايه لا اللبس ده مش هينفع وانا ما ينفعنيش الكلام ده هي تقول لك ايه - 00:57:20

انت واخدني كده مش معنى كده ان انا بنقول ان الصورة دي ايه؟ يعني ده نشوذ يعني مش بنقول ان دي حاجة حلوة. ان هي قالت كده فهي حقها - 00:57:29

لا مش بنتكلم كده بس انت انت من البداية واحد واحدة مش متدينة اصلاً فتيجي قدام آآ يقول لك اصل انا زعلان قوي اصل هي ما بتسمعش الكلام خالص - 00:57:38

وكمان ايه وتلائقه مرة واحدة بقى لما ياخد على دماغه ويجي بعدين قدام يقوم قايل لك ايه؟ يقول لك ده اصلاً كمان يا شيخ ما بتصليش. يالا. دلوقتي انت بس موضوع - 00:57:50

طلع عندك مهم ويقول لك شف وانا متضايق من لبسها. طب انت كنت فين بقى وانت بتختار وانت رايح وشایف البنطلون وشایف البدي وشایف اللبس ده كنت انت فين هو من البداية ما كانش اختياره كده - 00:58:00

فمعنى الاية هنا ان هو من البداية بيختار على ايه يختارعوا الدين فقال قوله سبحانه تعالى والذين يقولون ربنا هب لنا من ازواجا

وذرياتنا قرة اعين. يعني هو منشغل بالموضوع - 00:58:14

منشغل بالموضوع ومهتم به لدرجة ان هو ايه بيذعي فاهمين ده ؟ يعني انت لما بتبقى مهموم بحاجة هتدعي بها. عايز تتعدي خلاص عايز الجي بي ايه وان بوينت ناين. وعايزه يطلع الاثنين علشان تخرج من الجامعة - 00:58:30

فانت قاعد تصلي وتدعي علشان ايه ربنا يكرمك وتعدي من تطلع من تخرج من الجامعة. بدل ما تفتح سمر وابوك يقسمك نصين ولا حاجة ماشي ؟ فهو بيذعي ليه ؟ لأن هو مهموم بالموضوع. فهو الثاني ده مهموم بايه - 00:58:49

مهموم ان هو ان البيت ينصلح. وهنا شف بقى كلام اهل العلم. قال قال ابن كثير. يعني الذين يسألون الله ان يخرج من اصحابهم ذرياتهم من يطيعه ويعده وحده لا شريك له - 00:59:06

هو بيذعي ان هو عايز ايه ؟ زي ما ابن عباس قال يعنيون من يعمل بالطاعة. يعني هو يقصد ايه انا عايز عايز زوجتي تبقى مطيعة لله سبحانه وتعالى. عايز اولادي بيقولوا اشوفهم بيصلوا. اشوف بنتي اه عايزه تلبس الحجاب - 00:59:21

فتقر به اعينهم في الدنيا والآخرة بقى ايه الولد ده بقى في الآخرة الولد ما شاء الله اللي حافظ القرآن ولا البنت اللي حافظ القرآن ولد صالح يدعو له وبعدين بيجي يوم القيمة فيلبس مسلا تاج الوقار ولا يكون في القبر في رفع درجة او يرفع درجة - 00:59:41

يقال هذا ايه باستغفار ولدك لك فده ده ايه بقى ؟ دي دي تسويها ايه دي بقى يعني ايه يساوي ده ولا انت ولا تكون قصرت مسلا في تربية الولد ما ربتوش على الدين وتيجي تموت وده بيقى ايه ؟ امتداد للفساد - 00:59:58

يقول له تعالى يلا معلمك تعال هو الرجال قاعد على القهوة وما سك الشيشة وابنه قاعد جنبه خد يا حبيبي شد خدي يا حبيبي خدي لك نفس ماشي ؟ فتيجي تموت انت ايه ؟ انت اللي مسكته ايه - 01:00:17

انت اللي اديته اللي مسكته. فيجي بعدين كل ما يشيش هو ايه ما انت بقى اللي علمته بدل ما انت تقول له يا ابني وده وتبقى انت قدوة وجعلنا للمتقين ااما - 01:00:29

طيب هيجي بعدين في الدعاء اهو ؟ ما هو امام يعني قدوة عايز يكون قدوة للمتقين. لا بقى هو اللي ايه ؟ اللي بيفسد ابناءه ويروح ياخدهم في اماكن افجر الاماكن ويوديهم يصيروا في الاماكن دي - 01:00:42

ويوريه للبنات اللي قالعة ومش عارف يقول له بس عيب ما تبصش انا بس اللي ابص ويشغل افلام ويقوم جاي عند البتاع فمقدعش بيدور وشه يعني كان زمان كان زمان يقول لك قلب اعمل مش عارف ايه لما تيجي لقطة مسلا يقول لك قلب دلوقتي ايه - 01:00:56

وا المصطفى الله العافية قال قال عكرمة لم يريدوا بذلك صباحة ولا جمال يعني في في الدعاء لم يريدوا بذلك صباحة ولا جنة ولكن ارادوا ان يكونوا مطعین وقال الحسن البصري رحمة الله وسائل عن هذه الآية فقال - 01:01:16

ان يريد الله العبد المسلم من زوجته ومن اخيه ومن حميته طاعة الله يعني يشوف صاحبه على طاعة يشوف زوجته على طاعة يشوف ابنته على طاعة قال قال الحسن لا والله ما شيء اقر لعين المسلمين من ان يريد ولدا او ولد ولد او اخا او - 01:01:45

حبيما مطعيا لله عز وجل بيقول ما فيش حاجة اقر لعين الانسان المسلم زي زي ان انت تشوف الناس اللي حواليك اللي انت بتحبهم ايه مطعین لله وقال ابن حريج في قوله تعالى هنا الزوج يحمد ربنا على النعمة. لو شفت طاعة من من زوجتك ومن ابنائك تحمد ربنا. والعكس - 01:02:08

يعني لو انت الحمد لله ربنا رزقك انسان آآ بيتنقى الله عز وجل بياكل من حلال آآ وبينزل يصلی صلاة في وقتها وبيعظم امر ربنا سبحانه وتعالى ومن اهل المساجد احمدي ربنا - 01:02:32

ما تقعديش بقى ايه في بعض النساء تقعد تنخرب هو الرجال زي الفل ماشي زي الفل تقعد بقى ايه تقعد ايه تفرك وتلف وراه لحد ما تايه تعمل مشكلة. يا ستي يا راجل اهو راجل طيب اهو - 01:02:42

مش يمكن اه ماشي. قال ابن حريج في قوله تعالى هب لنا من ازواجاها وذرياتنا قرة الان قال يعبدونك ويحسنون او ويحسنون عبادتك يحسنون بقى ويحسنون عبادتك ولا يجررون علينا الجرائر - 01:02:58

يعني ايه لا يجررون عليهم زواير مش كل يوم مصيبة ربنا يعافينا ان تكون الزوجة مسلا اه اخلاقها سيئة فتأتي بدعى لزوجها وتفسد

عليه فراش او او الولد يكون ولد - 01:03:19

ده ده يدخل في ايه ؟ في الدعاء قال قال احد التابعين جلسنا الى المقدار ابن الاسود يوما فمر به رجل حيث الاسر ده في مسند الامام احمد فمر به رجل - 01:03:34

فقال المقداد ايه ؟ شف اسمعوا الكلام ده قال طوبى لهاتين العينين اللتين رأتا رسول الله صلى الله عليه وسلم يقول لي المقتاد ايه ؟ يا سلام يا بختك طوبى لهاتين العينين. يعني نفسي اخذ عينيك اللي هم اللي شافوا النبي دول عليه الصلاة والسلام - 01:03:50
طوبى لهاتين العينين اللتين رأتا رسول الله اللتين رأتا رسول الله اه اه صلى الله عليه وسلم. والله لو ددنا انا رأينا ما رأينا ما شهدت. ده انا كان نفسي ابقي وكنت ابقي موجود يوم بدر - 01:04:08

وكنت ابقي موجود في الصف الاول وموجود يوم احده كت هبقى زي الاسد ووافق المقداد ايه تعالى فقال فاستغضب سيدنا المقداد سيدنا المقداد ابن عمرو ابن الاسود اللي هو اللي قال للنبي عليه الصلاة والسلام آلا نقول لك كما قالت بنو اسرائيل اذهب انت وربك فقاتلته - 01:04:27

بيقول ايه فاستغضب قال فجعلت اعجب ما قال الاخيرا ثم اقبل اليه يعني هو الرجال الثاني اللي بيحكى قصة بيقول ايه بيقول انا مش عارف هو سيدنا المقداد ايه - 01:04:51

زعليه والرجل ما قلش حاجة ؟ يعني بيقول بيقول له ده انت شفت النبي ده انا كان نفسي ابقي موجود قال ثم اقبل اليه فقال ما يحمل الرجل ؟ شف هنا المعنى اهو - 01:05:06

ما يحمل الرجل على ان يتمنى محضرا غيبه الله عنه يعني انت ايش عرفك ان انت كنت هتبقى من الناس اللي في الصف الاول من الذين من الناس اللي نصرروا النبي عليه الصلاة والسلام. طب ممكن تبقى انت - 01:05:15

انت دور ابن سلول يعني انت كنت هتقوم انت كنت هتبقى انت المنافق كنت انت هتبقى من الناس اللي بيخرجوا يقولوا قالوا ماذا قال انفا اه يعني مسلا كنت ممكن انت تبقى انت اشمعنى انت حطيت نفسك ان انت هتبقى مسلا سلمان الفارسي - 01:05:31

فقال ما يحمل الرجل على ان يتمنى محضرا غيبه الله عنه لا يدرى لو شهده كيف كان يكون فيه. والله لقد حضر رسول لقد حضر رسول الله صلى الله عليه وسلم اقوام كفهم الله على منا خيرهم - 01:05:49

في جهنم لم يجيئوه ولم يصدقوه. اولا تحمدون الله اذا اخرجكم لا تعرفون الا ربكم. الحمد لله مصدقين لما جاء به نبيكم قد كفيفتم البلاء بغيركم والله لقد بعث الله النبي صلى الله عليه وسلم. ده الشاهد بقى - 01:06:04

على اشد حال بعث عليها فيهنبي من الانبياء في فترة وجاهلية فترة من الرسل انقطاع. والناس في جاهلية ما يرون ان دينا افضل من عبادة الاوثان فجاء بفرقان فرق به بين الحق والباطل - 01:06:27

وفرق بين الوالد ووالده حتى ان كان الرجل ليرى والده ووالده او اخاه كافرا وقد فتح الله قفل قلبه الامام يعني هو ده شايف ابوه واخوه كافر وهو الرجل ده من اصحاب النبي عليه الصلاة والسلام ربنا سبحانه وتعالى - 01:06:47

شرح صدره اليمان فتح الله قفل قلبه اليمان. يعلم انه ان هلك دخل النار طب اي اي بلاء بقى ده دلوقتي شوفوا المسلمين اللي في الغرب لما يسلم وعياته كلها يكونوا كفار. وهو بيتكلم ويتنمی ان اهله يدخلوا في الاسلام - 01:07:10

اي بلاء وقال يعلم انه ان هلك دخل النار فلا تقر عينه وهو يعلم ان حبيبه في النار وانها التي قال الله عز وجل الذين يقولون ربنا هب لنا من ازواجانا وذرياتنا - 01:07:28

قرة اعين وجعلنا للمتقين اماما قال آآ ابن عباس والحسن وقتادة والسدی والربيع ابن انس ائمة يقتدى بنا في الخير عايز يكون من الدعاة من الائمة يقتدى به عشان ياخذ ثواب ايه - 01:07:44

توب الناس اللي هتقلد وتقتدى به قال وقال غيرهم هداة مهتدین. ودعاة الى الخير. قال ابن كثير فاحبوا ان تكون عبادتهم متصلة بعبادة اولادهم وذرياتهم. هو ده الانسان ايه ؟ خلاص احنا بنختم خلاص. هو ده انسان عقل - 01:08:03

اللي هو مش بيفكر على المدة الزمنية اللي انا هعيشها بس لأ ده انا عايز بعد لما اموت ايه السواب بتاعي يمتد فعايز العبادة المتصلة

دي فيقول له يا رب انا عايز اكون امام للمتقين. امام للهدي يعلم الناس الخير وينشر الدعوة الى الله وينهى بالمعروف وينهى عن المنكر
ويربى ابناءه على الطاعة - [01:08:20](#)

قال وان يكون هداهم متعديا الى غيرهم بالنفع وذلك اكثر ثوابا واحسن مآبا ولهذا ورد في صحيح مسلم عن ابي هريرة رضي الله عنه قال قال رسول الله صلى الله عليه وسلم - [01:08:42](#)

اذا مات ابن ادم انقطع عمله الا من ثلاث ولد صالح يدعوه له او علم ينتفع به او صدقة جارية واجعلنا للمتقين ااما قال اولئك يجزون الغرفة بما صبروا هؤلاء الذين - [01:08:55](#)

ووصفت صفتهم من عبادي فقال يثابون على افعالهم هذه التي فعلوها في الدنيا الغرفة. هي المنازل العالية الجن هي منازل الجنة رفيعة بما صبروا يعني بما صبروا بصرهم بسبب صبرهم - [01:09:14](#)

بما صبروا ويلقون فيها تحية وسلاما كما قال تعالى والملائكة يدخلون عليهم من كل باب سلام عليكم بما صبرتم فنعم عقبى الدار قال اولئك يجزون الغرفة سميت بذلك لارتفاعها خالدين فيها اي مقيمين - [01:09:36](#)

لا يطعنون ولا يحولون ولا يموتون ولا يزولون عنها ولا يبغون عنها حولا. كما قال تعالى واما الذين سعدوا ففي الجنة خالدين فيها ما دام السماوات والارض الا ما شاء ربكم عطا غير مجنوذ - [01:10:07](#)

قال حسنت مستقرنا ده في مقابل قول الله سبحانه وتعالى ايه فانها ساعت عن النار يعني انها ساعت مستقرنا ومقاما ثم قال تعالى آآ آخر اية بقى الكفار اللي هم بقى شايفين نفسهم وقادعين قالوا وما الرحمن؟ ربنا سبحانه وتعالى قال قل - [01:10:26](#)

قل لهم يا يا محمد ما يعبأ بكم ربى لولا دعائكم. الله سبحانه وتعالى لا يبالي بكم انتم الفقراء الى الله والله هو الغني الحميد ان يشأ يذهبكم ويأتي بخلق جديد وما ذلك على الله - [01:10:46](#)

بعزيز فقد كذبتم فسوف يكون لجميع انسان لا قيمة له من غير عبادة ما يعبأ بكم ربى لولا دعائكم. قال يقول لولا آآ لولا ايمانكم وخبر الله الكفار انه لا حاجة له بهم - [01:11:00](#)

اذ لم يخلقه المؤمنين الى اخره الى والى ان قال فقد كذبتم ايها الكافرون فسوف يكون لزاما يعني العذاب ملازم والنار ملزمة لكم يوم القيمة اه هذا وصلى الله على نبينا محمد وعلى الله وصحبه والحمد لله رب العالمين - [01:11:19](#)

وجزاكم الله خيرا والسلام عليكم ورحمة الله وبركاته - [01:11:41](#)